

上饒縣志卷之十一

兵衛志 漕運附 府代錄

民耕養兵兵實衛民代更厥政善法相因

聖世崇文武功兼備萬國來同億年長治制垂茲土 防守洵

周興屯濟運備仰壯猷志兵衛

廣信府

漢唐刺史太守皆領兵事宋開寶八年以昭信軍為軍州守  
臣帶兵馬鈐轄列兵騎營舍其制有廂兵禁兵鄉兵等名  
提舉兵馬有都監押官諸職而皆統馭於郡守故爾時稱

上饒縣志 兵衛  
卷十一

一

郡守曰郡將熙甯中王安石建議設將統兵使兵將相習  
元祐時罷之紹聖中樞密請罷州縣豫軍事自此兵權始  
專屬於武職矣元制萬戶府每府萬戶置總管千戶置總  
把百戶置彈壓編戶籍兵有獨戶正戶餘丁質子等軍而  
信州路未聞立萬戶府明洪武元年改萬戶府為指揮司  
三年改守禦所千戶所設正千戶五人副千戶四人所鎮  
撫一人百戶十人操守運糧旂軍數約畧相等皆以軍功  
世襲承平日久衛所軍耗敝宏治十年編審民兵其後又  
稱機兵大率不堪用乃議百名內選取十名為精兵赴府





操演餘以護城池曰常兵自正統至萬曆百數十年視時  
緩急增減無常額

國朝改廣信守禦千戶所設立參將守備鉛山守禦千戶所  
亦改設守備雍正十三年改升都司僉書詳鉛山志府營  
於耿逆叛後額兵奉文添補旋復裁汰乾隆四十七年嘉  
慶二十年節次奉文裁減洵為斟酌盡善矣

廣信營係九江鎮管轄額設參將一員守備一員千總一員  
把總二員

原額馬步戰守兵六百名坐戰馬七十八匹節次奉裁現

上饒縣志 兵衛 卷十一

二

在實額馬兵五十一名 內外委千把總四員 步戰兵七十一

名守兵三百九十七名各官自備征馬十八匹戰馬五十

一匹

營署軍裝庫火藥局大小演武場俱詳公署志

營馬場在城東白茅洲 洲地南北廣三百四十三弓東西袤五百七十四弓乾隆五十九年

知府錢立界石於洲中土埂上埂西南為民地埂東北為營牧場

威遠礮一位子母礮一位斑鳩礮三位法煩礮十八位 府城

門五座擺設十三位 帳房五十五頂銅鑼鍋五十五口腰  
分撥弋陽縣五位

刀五百零二口籐牌二十面烏槍二百五十二管盜甲旗



幟器械各如數火藥每年操用二千三百三十二斤十二兩鉛筋每年操用三百零四斤二兩

參將俸銀三十九兩三錢四分薪銀一百二十兩蔬菜燭炭銀四十八兩心紅紙張銀三十六兩養廉銀五百兩征馬草乾銀一百一十五兩二錢

守備俸銀一十八兩七錢六釐薪銀四十八兩蔬菜燭炭銀十二兩心紅紙張銀十二兩養廉銀二百兩征馬草乾銀五十七兩六錢

千總俸銀十四兩九錢六分五釐薪銀三十三兩二分五

上饒縣志

兵衛  
卷十一

三

釐養廉銀一百二十兩征馬草乾銀二十八兩八錢

把總俸銀十二兩四錢七分二釐薪銀二十三兩五錢二

分入釐養廉銀九十兩征馬草乾銀二十八兩八錢

馬兵每名通年餉銀二十四兩馬乾銀十四兩四錢

戰兵每名通年餉銀一十八兩

守兵每名通年餉銀一十二兩

通計馬步戰守兵共五百一十九名每年共支餉銀七千

二百六十六兩戰馬草乾銀七百三十四兩四錢四季赴

藩司庫請領會同本府監放



額支兵丁月米一千八百六十八石四斗坐支上饒縣兵米一千一百一

十五石四斗七升一勺坐支玉山縣兵米二百五十石坐支弋陽縣兵米二百五十六石八升八合二勺坐支貴溪

縣兵米二百四十六石八斗四升一合七勺

按小建餉銀扣存司庫小建兵米扣存縣倉以備閏月

增給如有不敷各縣先期備文赴糧道衙門請領裁兵

餘剩兵折銀採買支給

上饒縣

特設經制千總一員駐劄專管又設額此外委一員駐防高

洲水陸塘汎十九處撥防兵七十二名

上饒縣志 兵衛 卷十一

四

水塘六沙溪汎防兵五名 砍石汎防兵三名 靈溪汎防兵三名 南門汎防兵

三名 龍潭汎防兵三名 焦石汎防兵三名

陸塘十三冷水嶺汎防兵二名 高洲汎駐外委一員防兵十名 船坑

汎防兵五名 源口汎防兵五名 金竹坪汎防兵六名 螺螄尾汎防兵三名 燈盞

塘汎防兵三名 岑陽關汎防兵三名 范家坳汎防兵三名 錢村汎防兵四名 鐵

山街汎防兵四名 以上二汎道光元年奉文添設 冷水鋪汎防兵二名 通都鋪汎

防兵二名

漕運附

漢唐宋元以來河運海運陸運轉運不同明代民運軍運兌



運長運迭易我

朝僉用屯軍領運水次受兌長運抵通交納一因成化之舊設廣鉛二所鉛山所見鉛山志廣信所額船每隻僉正副運丁二名丁舵水手例給行月二糧造船有料價修船有官錢循行百八十年雖歷湖江之險而歲歲抵通交兌足額無掛欠者惟信郡灘河涉冬水涸雇用剝船運貯省倉屯丁就近交兌與他省小異耳具列條目以資考覽

廣信所額設掌印領運守禦千總一員歲支俸薪銀六十六兩七錢六釐心紅銀四兩養廉銀二百四十兩門子牢役

上饒縣志

兵衛  
卷十一

五

傘馬夫共七名每名工食銀六兩共銀四十二兩督造千總一員歲支俸薪銀四十八兩養廉銀一百兩門子牢役傘馬夫共七名每名工食銀六兩共銀四十二兩隨幫押運回空千總一員歲支俸薪銀五十四兩養廉銀二十兩以上三員各在所輪流領運輪值領運之員暨隨幫一員該年俸薪等銀俱在糧道漕運屯糧項下支給運員又給行糧三石折銀一兩八錢其停運之員應食俸薪等銀在於布政司存留屯糧銀內支給

原編領運屯丁四百三十名康熙十四年奉裁住給歷年



屯丁有領運累疲難承造運者奉文減除三百名乾隆二十四年奉文加一裁減疲船案內又減除二十名見在領運屯丁一百一十名

原額漕船十四隻乾隆二十二年經漕督楊錫紱奏准裁減疲船四隻見共漕船一十隻

附程國孺信州糧謠

信州糧糧何艱十鍾一石萬里間朝發錢王堤暮過嚴陵灘舵尾白浪如銀山朝宿蘭溪州暮宿龍邱灣峻如牽車上鬼關督吏馳檄夜傳箭布帆無風河水乾去年

上饒縣志

兵備卷十一

六

糧船未及岸今年又運八百萬口知彼地荒不知浙東天亦早只知彼地饑不知役戶家無飯儂莫愁願化鐵騎爲耕牛願消鋒鏑爲鋤耰戰場闢作畎與溝壯士荷甲歸田疇風雨時調禾黍秋禾黍秋飯不足浙東又移

何郡粟

白中丞通志

按信州明以前隸浙江漕運必由玉抵常然後沿流達省會玉距常八十里橫岡綿亘舟楫不通一州之糧不下數萬丁夫肩運較船隻百不當一長途躑躅血汗交流亦甚矣憊且信灘河磊砢弋貴鉛舟艦溯源送進一



夕暴漲則奔流衝激鷁首未敢冒犯建瓴甫燥則水落石出十人牽纜力不能上迨余部郎有改隸江西之請民於是始稱便矣

上饒原設漕船九隻內二隻與玉山與安合管簽運軍籍一十八戶

兌軍

副正耗

米數屯糧屯丁各銀數俱詳田賦志

按領運漕船其私議章程各有不同桑長春船王汝亮船係一姓獨船按房輪簽各領運十年王達船係一姓按房輪簽各領運一年羅譚何葉船王張周鍾船胡朱

上饒縣志

兵衛卷十一

七

李船胡朱祝船係三姓朋船輪簽各領運十年余蓬劉蕭船滕劉江船二姓輪簽各領運十年其領運十年者撥給屯田較多收租足以濟運眾丁不復加貼以運費惟公幫造船費銀三百兩呈繳道庫轉給輪運一年者給屯田較少收租之外眾丁每年幫貼運費銀八九十兩至一百兩不等至本船滿料成造除領料價外不敷之數係眾丁公攤亦有公餘田畝收租濟運如王張周鐘之河前坂田者有公積田租以備失風事故賠造賠補者以上各規皆經眾立議守行已久歷無賠悞因並



著之

上饒縣志

兵衛  
卷十一

八